

陽

春

白

雪

陽春白雪第一卷目錄

解語花

探春

二
詞花慢

賀新涼四

渡江雲

遊

應天長

寒

雙雙燕

蟬

祝英臺近三

一
鷓鴣二

六醜

大酺

綺羅香

綠頭鴨

念奴嬌三

過秦樓

宴清都 二

花犯

沁園春

花心動

掃花遊

八聲甘州

木蘭花慢

無悶

臨江仙

醉桃源

秋蕊香

月中行

風入松 二

玉樓春 六

瑞鷓鴣

漁家傲

憶少年令

喜遷鶯令

青玉案

菩薩蠻八

釵頭鳳

少年遊

浣溪沙

南歌子

江神子二

謁金門

西江月

好事近

陽春白雪卷第一

臨洪 趙 聞禮 立之選

解語花 元宵

周美成

風銷燭蠟露浥洪爐花市光相射桂華流瓦纖雲散
耿耿素娥欲下衣裳淡雅看楚女宮腰一把簫鼓喧
人影參差滿路飄蘭麝 因念都城放夜望千門如
畫嬉笑遊冶鈿車羅帕相逢處自有暗塵隨馬年光
是也惟只有舊情衰謝清漏移飛蓋歸來從舞休歌
罷

探春

田不伐

小雨分山斷雲鏤日丹青難狀清曉柳眼窺晴栳
迎暖林外幽禽啼早煙徑潤如酥正濃淡遙看隄草
望中新景無窮最是一年春好 騎馬黃金絡腦爭
探得東君何處先到萬錢飛觴千金倚玉不肯輕辜
年少桃李怯殘寒半吐芳心猶小謾教蜂蝶多情未
應知道

木蘭花慢

少游

過秦淮曠望迴蕭灑絕纖塵愛清景風蛩唵鞭醉帽
時度疎林秋來政情味淡更一重煙水一重雲千古
行人舊恨盡應分付今人 漁村望斷衡門蘆荻浦

雁先聞對觸目淒涼紅凋岸募翠減汀蘋憑高正千
嶂黯便無情到此也銷魂江月知人念遠上樓來照
黃昏

賀新涼

水仙

辛幼安

雲臥衣裳冷看蕭然風前月下
水邊幽影羅襪塵生
凌波步湯沐烟波萬頃愛一點
嬌黃成暈不記相逢
曾解珮甚多情為我香成陣
待和淚搵殘粉
靈均
千古懷沙恨恨當時忽忽忘
把此仙題品煙雨淒迷
傷愁損翠袂搖搖誰整
謾寫入瑤琴幽憤弦斷招魂
無人賦但金杯的皪銀臺潤
愁殢酒又獨醒

又梅

俞國寶

夢裏駉驚鶴覺三山不遠依前海風吹落浮到五湖
烟月上剛被梅香醉著粲玉樹輕明疎薄十萬瓊瑤
天女隊捧冰壺玉液琉璃杓來伴我薦清酌恍然
夢斷渾非昨昨問溪邊竹外新來為誰開却無限冰魂
招不得擬把離騷喚覺待抖擻紅塵雙脚萬里瑤臺
終一到想玉奴不負東昏約留此恨寄殘角

又

潘元質

篆纒銷香鼎翠沉沉庭陰轉午畫堂人靜芳草玉孫
知何處惟有楊花糝徑正玉枕晴騰初醒門外殘紅

春已去鎮無聊殢酒厭厭病雲髻髻未快整 江南
舊事休重省但天涯尋消問息斷鴻難倩月滿西樓
憑欄久依舊歸期未定便只恐瓶沉金井嘶騎不來
銀燭暗枉教人立盡梧桐影誰伴我對鸞鏡

又

史邦卿

花落臺池靜自春衫閑來老了舊香荀令酒既相違
詩亦可此外雲沉夢冷又催喚官河蘭艇軋岸烟霏
吹不斷望樓陰欲帶朱橋影和草色入輕暝 裙邊
竹葉多應賸怪南溪見後無个再來芳信蝴蝶一生
花裏活難制竊香心性便有段新愁隨定落日年年

宮樹綠墮新聲玉笛西風勁誰伴我月中聽

傾五

沈會宗

梅英弄粉尚淺寒臘雪消未盡布線箔層樓高下燈
火萬點金蓮相照映香徑縱橫聽畫鼓聲聲隨步緊
漸霄漢無雲月華如水夜久露清風迅 輕車趁馬
微塵雜霧帶晚色綺羅生潤花陰下瞥見仍回但時
聞笑音中香陣陣奈酒闌人困殘漏裏年年餘恨歸
來沉醉何處一片笙歌又近

渡江雲

周美成

晴嵐低楚甸暖回雁翼陣勢起平沙驟驚春在眼借

問何時委曲到山家
塗香暈色盛粉飾
爭作年華千
萬絲
陌頭楊柳漸漸可藏鴉
堪嗟清江東注
畫舸
西流
指長安日下愁
晏闌風翻旗尾
潮濺烏紗
今宵
正對初弦月
傍水驛深
巖蒹葭
沉恨處
但時時自別
燈花

憶舊游

前人

記愁橫淺黛
淚洗紅鉛
門掩秋宵
墜葉驚離
思聽寒
蟬
夜泣
亂雨蕭蕭
鳳釵半脫
雲鬢窈窕
影燭光搖
漸暗
竹敲涼踈
螢照晚
兩地魂銷
迢迢問音
信道徑底
花陰時認
鳴鑿也
擬臨朱戶
歎因郎
憔悴羞見郎
招

舊巢更有新燕楊柳拂河橋但滿眼驚座東風竟日
吹露桃

應天長 寒食

前人

蕙風布暖霏霧弄晴池臺偏滿春色正是夜堂無月
沉沉暗寒食梁閣燕社前客似笑我閉門岑寂亂花
過隔院芸香滿地狼籍長記那回時解后相逢郊
外駐油壁又見漢宮傳燭飛烟五侯宅青青草迷路
陌強載酒細尋前迹市橋遠柳下人家猶自相識

鎖窓寒寒食

前人

暗柳啼鴉單衣竚立小簾朱戶桐花半斂靜鎖一庭

愁雨洒空階夜闌未休故人剪燭西窓語似楚江暝
宿風燈零亂少年羈旅遲莫嬉遊處正店舍無烟
禁城百五旗亭喚酒付與高陽儔侶想東園桃李自
春小脣秀靨今在否到歸時定有殘英待客携尊俎

雙雙燕

史邦卿

過春社了度簾幙中間去年塵冷差池欲住試入舊
巢相並還相雕梁藻井又軟語商量不定飄然快拂
花梢翠尾分開紅影芳徑芹泥雨潤愛貼地爭飛
競誇輕俊紅樓歸晚看足柳昏花暝應自棲香正穩
便忘了天涯芳信愁損玉人日日畫闌獨凭

孟家蟬蝶

潘元質

向賣花擔上落絮橋邊春思難禁正暖日溫風裏闌
採遍香心夜夜穩棲芳草還處處先蟬春禽滿園林
夢覺南華直到如今情深記那人小扇撲得歸來
繡在羅襟芳意贈誰應費萬線千針謾道滕王畫得
狂謝客多少清吟影沉沉舞入梨花何處相尋

祝英臺近

辛幼安

寶釵分桃葉渡烟柳暗南浦怕上層樓十日九風雨
斷腸片片飛紅都無人管是誰勸啼鶯聲住鬢邊
覷試把花卜心期才替又重數羅帳燈昏嗚咽夢中

語是他春帶愁來春歸何處却
不解和愁將去

又

王季夷

柳烟濃花露重合是醉時候
樓倚花梢長記小垂手
誰教釵燕輕分鏡鸞慵舞
是孤負幾番春畫
自別後聞道月底花前多是
兩眉皺又說新來比似舊時
瘦須知兩意長存相逢終有
莫謾被春光僞慙

又

不知名

客禮寒蘭房悄金爐爇紅獸
好个霜天消遣正宜酒
嫩橙初截鷺肪肌膚香透
又還記吳姬纖手
事難偶墨凍空染梨牋
新詞謾題就酒薄愁濃
歌枕聽寒

漏可堪霜月亭亭照人無寐映窗外一枝梅瘦

喜遷鶯

雁

康伯可

秋寒初勁者雲路鴈來碧天如鏡湘浦烟深衡陽沙
遠風外幾行斜陣回首塞門何處故國關河重省漢
使老認上林欲下裴徊清影江南烟水暝聲過小
樓燭暗金猊冷送目鳴琴裁詩挑錦此恨此情無盡
夢想洞庭飛下散入雲濤千頃過盡也奈杜陵人遠
玉關無信

又

史邦卿

月波疑滴望玉壺天近了無塵隔翠眼困花冰絲織

練黃道寶光相直自憐詩酒瘦難應接許多春色最
無賴是隨香趁燭曾伴狂客 踪跡謾記憶老了杜
郎忍聽東風笛柳院燈疎梅廳雪在誰與細傾春碧
舊情拘未定獨自學當年游歷怕萬一誤玉人夜寒
簾隙

六醜落花

周美成

正單衣試酒恨客裏光陰虛擲願春暫留春歸如過
翼一去無迹為問花何在夜來風雨葬楚宮傾國釵
鈿墮處遺香澤亂點桃蹊輕翻柳陌多情為誰追惜
但蜂媒蝶使時扣窓隔東園岑寂 漸蒙籠暗碧靜

遠珍叢祇成歎息長條故惹行客似牽衣待話別情
無極殘英小強簪中情終不似一朶釵頭顫裏向人
欵側飄流處莫趁潮汐恐斷紅上有相思字無由見
得

大酺 春雨

前人

對宿烟收春禽靜飛雨時鳴高屋牆頭青玉旆洗鉛
霜都盡嫩梢相觸潤逼琴絲寒侵枕障蟲網吹粘簾
竹郵亭無人處聽簷聲不斷困眠初熟奈愁極頻驚夢
輕難記自憐幽獨 行人歸意速最先念流潦妨車
轍怎奈向蘭成憔悴樂廣清羸等閒時易傷心目未

怪平陽客雙淚落笛中哀曲况蕭索青蕪國紅糝鋪
地門外荆桃如菽夜游共誰秉燭

綺羅香

春雨

史邦卿

做冷欺花將烟困柳千里偷催春莫盡日冥迷愁裏
欲飛還住鶯粉重蝶宿西園喜泥潤燕歸南浦最妨
他佳約風流鈿車不到杜陵路沉沉江上望極還
被春潮晚急難尋官渡隱約遙峯和淚謝娘眉無臨
斷岸新綠生時是落紅帶愁流處記當日門掩梨花
剪燈深夜語

綠頭鴨

中秋

晁次膺

晚雲收紺天一片琉璃爛銀盤來從海底皓色千里
澄輝瑩無塵素娥澹佇靜可教丹桂參差玉露初零
金風未凜一年無似此佳時露坐久踈螢時度烏鵲
正南飛瑤臺冷闌干凭暖欲下遲遲 念佳人音塵
別後對此應解相思最闌情漏聲正永暗斷腸花影
偷移料得來宵清光未減陰晴天氣又爭知共凝戀
如今別後還是隔年期人強健清尊素影長願相隨

念奴嬌

田不代

嫩冰未白被霜風換却滿院秋色小閣深沉圍坐促
初擁紅爐宜窄簾密收香窓明遲夜硯冷凝新滴無

人知道个中多少岑寂
翻念一枕高唐當年仙夢
覺難尋消息睡起微醒
衣袖重不管腰支猶索旋暖
銀黃時添酥字笋玉寒無
刀如今腸斷莫雲依舊凝
碧

又

辛幼安

野棠花落甚匆匆過了清明時節
剗地東風欺客夢
一夜銀屏寒怯曲岸持觴垂楊繫馬
此地曾經別樓
空人去舊遊飛燕能說
聞道綺陌東頭行人曾見
簾底纖纖月舊恨春江流不斷
新恨雲山千疊料得
明朝尊前重見鏡裏花難折
也應驚問近來多少華

髮

又荷花

姜堯章

闌紅一舸記來時
嘗與鴛鴦為侶
三十六陂人未到
水珮風裳無數翠
葉招涼玉容銷酒
更洒菰蒲雨
嫣然搖動冷香飛
上詩句
日暮青蓋亭亭
情人不見
爭忍凌波去
只恐舞衣寒
易落
愁入西風南浦
高柳垂陰
老魚吹浪
留我花間
住
田田多少
幾回沙際歸路

過秦樓

水浴清蟾
葉喧涼吹
卷陌馬聲
初斷
閒依露井
笑撲

流螢惹破畫羅輕扇人靜夜久凭闌愁不歸眠立殘
更箭歎年華一瞬人今千里夢沉書遠空見說髻
怯瓊梳容銷金鏡漸懶趁時勻染襟風地濕虹雨苔
滋一架舞紅都變誰信無慘為伊才減江淹神傷荀
倩但明河影下還看稀星數點

宴清都

前人

地僻無鐘鼓殘燈滅夜長人倦難度寒吹斷梗風翻
暗雪洒窓填戶賓鴻謾說傳書算過盡千儔萬侶始
信得庾信愁多江淹恨極須賦淒涼病損文園徹
弦乍拂音韻先苦淮山夜月金城莫草夢魂飛去秋

詞林典故卷一
三
霜半入清鏡歎帶眼都移舊處更久長不見文君歸
時認否

又

盧申之

春訊飛瓊筦風日薄度墻啼鳥聲亂江城次第笙歌
翠合綺羅香煖溶溶澗谷水泮醉夢裏年華暗換料
黛眉重鎖隋堤芳心還動梁苑 新來鴈濶雲音鷺
分鑑影無計重見啼春細雨籠愁澹月恁時庭院離
腸未語先斷算猶有凭高望眼更那堪芳草連天飛
梅弄晚

花記梅花

周美成

粉牆低梅花照眼依然舊風味露痕輕縵疑淨洗鉛
華無限清麗去年臍膏曾孤倚冰盤同宴喜最好是
雪中高樹香篝薰素被今年對花最恁恁相逢似
有限依依愁悴吟望久青苔上旋看飛墜相將見脆
丸薦酒人正在空江烟浪裏但夢想一枝蕭洒黃昏
斜照水

沁園春

少游

宿靄迷空暎雲籠日晝景漸長正蘭皋泥潤誰家燕
喜蜜脾香少觸處蜂忙盡日無人簾幕掛更風遮遊
絲時過牆微雨後有挑愁杏怨紅淚淋浪風流寸

心易感但依依佇立四盡柔腸念小奩瑤鑑重勻絳
蠟曲罷金斗時熨沉香柳下相將游冶處便回首青
樓成與鄉相憶事縱蠻牋萬疊難寫微茫

花心動

潘元質

啼鳥驚心怨年華羞看杏梢桃萼映柳小橋芳草閑
庭處處舊遊如昨斷腸人在東風裏遮不盡幾重簾
幙舊巢穩呢喃燕子笑人漂泊應是素肌瘦削空
望斷天涯信音難託半污淚痕重整餘香夜夜翠衾
寒薄倦游只怕春歸去怎忍見水流花落夢魂遙詔
華又還過却

掃花游

周美成

晚陰翳日正霧靄烟橫遠迷平楚暗黃萬縷聽鳴琴
按曲小腰欲舞細遠回隄駐馬河橋避雨信流去想
一葉怨題今到何處春事能幾許任占地持盃掃
花尋路淚珠濺瓊堦將愁度日病傷幽素恨入金徽
見說文君更苦黯凝竚掩重闌偏城鐘鼓

八聲甘州

柳耆卿

對瀟瀟暮雨洒江天一番洗清秋漸霜風悽隱闕河
冷落殘照當樓是處紅衰翠減苒苒物華休惟有長
江水無語東流惆悵登高臨遠望故鄉眇邈歸思

難收數年踪跡何事苦淹留想佳人粧臺凝望誤
幾回天際識歸舟爭知我玉闌斜倚正為人愁

木蘭花慢 清明

全 前

折桐花爛熳乍疎雨洗清明正艷杏燒空緗桃繡野
芳景如屏傾城盡尋勝去驟離鞍紺轡出郊坰風暖
繁弦脆管萬家競奏新聲 盈盈闌草踏青人艷冶
迤迤迎向路傍往往遺簪墮珥珠翠縱橫催情對佳
麗地任金罍罄竭玉山傾併却明朝永日畫堂一枕
春醒

無悶

丁葆光

風急還收雲凍又開海澗無人剪水筭六出工夫怎
教容易剛被郢歌楚舞鎮獨向尊前誇輕細想謝庭
詩詠梁園賦賞未成歡計 天意是則是便下得控
持柳梢梅蕊又爭奈者者漸回春意好趁東君未覺
預先把園林都粧綴者是處玉樹瓊枝勝却萬紅千
翠

臨江仙

晏叔原

夢後樓臺高鎖酒醒簾幕低垂去年春恨却來時落
花人獨立微雨燕雙飛 記得小顰初見兩重心字
羅衣琵琶弦上說相思當時明月在曾照彩鸞啼

醉桃源

周美成

冬衣初染遠山青
雙絲雲鴈綾
夜寒袖濕欲成冰
都緣珠淚零
情黯黯悶騰騰
身如秋後蠅
若教隨馬逐郎行
不辭多少程

秋蕊香

前人

乳鴨池塘水暖風
緊柳花迎面
午粧粉指印窻眼
曲裡長眉翠淺
聞知社日停針線
探新燕寶釵落枕
春夢遠簾影參差
滿院

月中行

前人

蜀絲越日染乾紅
微煖面脂融
博山細篆
鬻房攏靜

看打窓蟲 愁多胆怯疑虛幕聲不斷暮景疎鍾
圍四壁小屏風淡盡夢魂中

風入松

康伯可

畫橋流水欲平開雨後青山去年芳草今年恨恨香
車不逐離鞍紅杏牆頭院落綠楊樓外秋千 謝娘
別後憶前惟淚滴春衫柔萼共折香紅處勸東風且
與流連早是相思瘦損梅花謝了春寒

又

俞國寶

一春長費買花錢日日醉花邊玉驄慣識西湖路驕
嘶過沽酒爐前紅杏香中蕭鼓綠楊影裏秋千 暖

風十里麗人天花壓髻雲偏畫船載取春歸去餘情
寄湖水湖烟明日重扶殘醉來尋陌上花鈿

玉樓春

康伯可

青牋後約無憑據誤我碧桃花下語誰將消息問劉
郎悵望玉溪溪上路春來無限傷情緒擬欲題紅
都寄與東風吹落一庭花手把新愁無寫處

又

江開之開湖

風前簾幕沾飛絮家在垂楊深處住倚樓無語憶郎
時恰是去年今日去帝城蕭鼓青春暮應有多情
游冶處爭知日日小闌干望斷斜陽芳草路

又

王輔道

秋閨思入江南遠
簾幕低垂閑不卷
玉珂聲斷曉屏
空好夢驚回還起懶
風輕只覺香烟短
陰重不知天色晚
隔窻人語下朝歸
旋整宿粧勻睡眠

又

史邦卿

遊人等得春晴也
處處旗亭堪繫馬
雨前櫻杏尚娉
婷風後殘梅無顧藉
忌拈針線還逢社
聞草蠶多裙欲卸
明朝雙燕定歸來
叮囑重簾休放下

又擬宮詞

高賓王

幾隻海燕來金屋
春滿離宮三十六
春風剪草碧纖

纖春雨浥花紅撲撲
衛姬鄭女腰如束
齊唱陽春新製曲
曲終移宴起笙簫
花下晚寒生翠縠

又

晏叔原

小憐未解論心素
狂似秦箏弦底柱
臉邊霞散酒初醒
眉上月殘人欲去
舊時家近章臺住
盡日東風吹柳絮
生憎繁杏欲陰時
正礙粉牆偷眼處

瑞鷓鴣

徐道暉

雨多庭石上苔文
門外春光老幾分
為把舊書藏寶帶
誤翻殘酒濕綃裙
風頭花片難裝綴
愁裏鶯聲怯聽聞
恰似剪刀裁破恨
半隨妾處半隨君

漁家傲

周美成

仄暖香融銷永晝蒲桃上格春藤秀曲角闌干羣雀
聞清明後風梳萬縷亭前柳日照釵梁光欲溜循
堦竹粉沾衣袖拂拂面紅新着酒沉吟久昨宵正是
來時候

憶少年令

元夕應制

康伯可

雙龍燭影千門夜色三五宴瑤臺舞蝶隨香飛蟬撲
鬢人自築宮來太平簫鼓宸居曉清漏玉壺催步
輦歸時綺羅生潤花上月徘徊

喜遷鶯令

應制

夏英公

霞散綺月沉鈎
簾捲未央樓
夜涼銀漢截天流
宮闕鎖清秋
玉階風金莖露
鳳髓香盤烟霧
三千粉黛擁宸游
水殿按梁州

青玉案

辛稼軒

東風未放花千樹
早吹落星如雨
寶馬雕車香滿路
鳳蕭聲動玉壺光轉
一夜魚龍舞
蛾兒雪柳黃金
縷笑顰盈盈暗香去
衆裏尋他千百度
驀然回首那人却在燈火闌珊處

菩薩蠻

謝明遠

春風春雨花經眼
石泉槐火春容晚
流水自無情
回

波聚落英 問春何處去春向天邊住舉酒欲銷愁
酒闌愁更愁

又

陳子高

綠蕪牆遠青苔院中庭日澹芭蕉卷蝴蝶上階飛烘
蕙自在垂 玉鈎雙語燕寶釵揚花轉幾處簫錢聲
綠窓春睡輕

又

范至能

梅黃時節春蕭索羅衣香潤紗衣薄斜日雨絲明柳
梢紅未晴 多愁多病後不識曾中酒愁病送春歸
恰如中酒時

又

辛稼軒

青山欲共高人語
聯翩萬馬來
無教烟雨却低回
望來終不來
人言頭上髮
總向愁中白
拍手笑沙鷗
一身都是愁

又商婦怨

江開之

春時江上蘆
纖雨張帆打鼓開
船去秋晚恰歸來
看船又開
嫁郎如未嫁
長是淒涼夜
情少利心多
郎如年少何

又

陳子高

赤欄橋盡香街直
籠街細柳嬌無力
金碧上春空
花

暗簾幕紅 黃衫飛白馬 日日青樓下 醉眼不逢人
午香吹暗塵

又

聞人武子

晴風吹暖枝 頭雪露華香 沁庭中月 屏上小江南 雨
昏天際帆 翠釵香霧濕 側鬢雲鬆立 燈背欲眠時
曉鶯還又啼

又

劉叔儼

吹簫人去 行雲杳杳 香篝翠被都闕了 疊損縷金衣 是
他渾不知 冷烟寒食 夜澹月梨花下 猶是軟心腸
為他燒夜香

釵頭鳳

陸游

紅酥手黃藤酒滿城春色宮牆柳東風惡歡情薄一
懷愁緒幾年離索錯錯錯春如舊人空瘦淚痕紅
范鮫綃透桃花落閑池閣山盟雖在錦書難託莫莫
莫

少年遊 荆州作

周美成

南都石黛掃晴山衣薄耐朝寒一夕東風海棠花謝
樓上捲簾看而今麗日明如洗南陌暖雕鞍舊賞
園林喜無風雨春鳥報平安

浣溪沙

全前

日薄塵飛官路平
眼明喜見汴河傾
地遙人倦莫兼程
下馬先尋題壁字
入門閑記榜村名
早收燈火夢傾城

南歌子

范至能

悵望梅花驛凝情
杜若洲雪雲低處
有高楼可惜高樓不近水
蘭舟緘素雙魚遠
題紅一葉秋欲憑江
水寄離愁江已東流
那肯更西流

江神子

東坡

翠蛾羞黛怯人看
掩霜紉淚偷彈
且盡一杯收淚唱
陽關漫道帝城天
樣遠天易見見君難
畫堂新締

近孤山曲闌干為誰安飛絮落花春色屬明年欲掉
小舟尋舊事無處問水連天

又

盧申之

畫樓簾幕卷新晴掩銀屏曉寒輕墜粉飄香日日喚
愁生暗數十年湖上路能幾度著娉婷年華空自
感飄零擁春醒對誰醒天澗雲閑無處覓蕭聲載酒
買花年少事渾不似舊心情

謁金門

賀方回

李黃門夢得一曲前遍二十言後遍
二十二言而無其聲余采其前遍
一橫字已續二
十五字寫之云

楊花落燕子橫穿朱閣常恨春醪如水薄閑愁無處
著 綠野帶江山路角桃葉參差前約歷歷短檣沙
外泊東風晚來惡

又春雪

韓元咎

春尚淺誰把玉英裁剪儘道梅梢開未遍捲簾花滿
院 樓上酒融歌煖接下水平烟遠却似湧金門外
見絮飛波影亂

又

趙德莊

休相憶明夜遠如今日樓外綠烟村冪冪花飛如許
急 柳岸晚來船集波底斜陽紅濕送盡去雲成獨

立酒醒愁又入

西江月

趙德麟侯鯖錄云司馬溫公剛風勁
節聳動朝野疑其全心鍊意不善吐
婉嫩辭今觀此闋雅亦風情不薄又

見楊元素本事曲

寶髻鬆鬆梳就鈿華淡淡粧成青烟紫霧罩輕盈飛
絮游絲無定相見爭如不見有情何似無情笙歌
散後酒初醒深院月斜人靜

好事近

宋子京

睡起玉屏空鶯去亂紅猶落天氣驟生輕暖襯沉香
羅薄珠簾約住海棠風愁拖兩眉角昨夜一庭明
月冷秋千紅索

陽春白雪卷第一終

陽春白雪第二卷目錄

瑞龍吟

惜黃花慢

惜餘春慢

花心動

法曲獻仙音

燕山亭

波羅門引

喜遷鶯

玉蝴蝶

月下笛

石州影

洞仙歌
四

江神子慢
二

慶清朝

瑞鶴仙

齊天樂

望海潮
三

揚州慢

金人捧露盤三

水龍吟二

永遇樂二

漢宮春二

玉蝴蝶

聲聲慢

高陽臺二

鷓鴣天六

柳梢青六

夜行船三

霜天曉角二

臨江仙

浣溪沙八

西江月五

琴調相思引

蝶戀花六

感皇恩

青玉案

陽春白雪卷第二

臨漢 趙 聞禮 立之選

瑞龍吟

周美成

章臺路。還見褪粉梅梢，試華桃樹。愔愔坊陌人家，定巢燕子，歸來舊處。黯凝佇。因記個人癡小，乍窺門戶。侵晨淺約宮黃，障風映袖，盈盈笑語。前度劉郎重到，訪鄰尋里，同時歌舞。惟有舊家秋娘，聲價如故。吟箋賦筆，猶記燕臺句。知誰伴、名園露飲，東城閑步。事與孤鴻去。採春盡、是傷離意緒。官柳低金縷。歸騎晚，纖纖池塘飛雨。斷腸院落一簾風絮。

惜黃花慢

田不伐

雁空浮碧印曉月露洗重陽天氣望極樓外澹烟半
隔疎林掩映斷橋流水黃金籬畔白衣人更誰會淵
明深意晚風低落日亂鴻飛起無際情多對景淒
涼念舊賞步履登高迢遞興滿東山共携素手持杯
勸泛玉漿雲蕊此時霜鬢欲歸心謾老盡悲秋情味
向醉裏免得又成憔悴

惜餘春慢

魯逸仲

弄月餘花團空飛絮露濕池塘春草鶯鶯戀友燕燕
將雛惆悵睡殘清曉還似初相見時攜手旗亭酒香

襟小向登臨長是傷春滋味淚彈多少因甚却暫
許風流終非長久又說分飛煩惱羅衣瘦損繡被香
銷那更亂紅如掃門外無窮路岐天若有情和天煩
老念高唐歸夢淒涼何處水流雲繞

花心動

連昌宮之感

無名氏

碧瓦朱甍鎖千門沉沉麗日初旭畫棟暗塵錦瑟空
弦窈窕故窓紅綠御柳宮花依然好春不管為誰搖
東翠華遠風光盡屬野樵夷牧指似行人恸哭尚
能道先朝聖游不足鳳輦路荒龍沼波乾猶有棄珠
遺玉禁廊人靜風琴響祇疑是霓裳遺曲斷魂晚寒

鴉又啼古木

法曲獻仙音

姜堯章

虛閣籠寒小簾通月莫色偏憐高處樹隔離宮水平
馳道湖山盡入尊俎奈楚客淹留久砧聲帶愁去屢
回顧 過西風未成歸計誰念我重見冷楓紅舞喚
起澹粧人問逋仙今在何許象筆驚箋甚而今不道
秀句怕平生幽恨化作沙邊烟雨

燕山亭 杏花

仲殊

裁翦冰綃輕疊數重澹著胭脂勻注新樣倩粧艷溢
香融羞殺蕊珠宮女易得凋零更多少無情風雨愁

苦閑院落淒涼幾番春莫
憑寄離恨重重這雙燕
何曾會人言語天遙地遠萬水千山知他故宮何處
怎不思量除夢裏有時曾去無據和夢也新來不做

波羅門引

楊如晦

帳雲莫捲漏聲不到小簾攏銀潢夜洗晴空皓月當
軒高掛秋入廣寒宮正金波不動桂影玲瓏 佳人
未逢悵此夕與誰同對酒當歌追念霜滿愁紅南樓
何處想人在橫笛一聲中凝望眼立盡西風

喜遷鶯曉行

劉行簡

曉光催角聽宿鳥未驚鄰雞先覺迢遞烟村馬嘶人

起殘月尚穿林薄淚痕帶霜微凝酒力衝寒猶弱歎
倦客請不禁重染風塵京洛 追念人別後心事萬
重難覓孤鴻託翠幌嬌深曲屏春暖爭念歲華飄泊
怨月恨花煩惱不是不曾經着這情味望一成銷滅
新來還惡

玉蝴蝶

滿元質

睡起日高鶯嚙盡簾低卷花影重重醉眼羞揩嬌困
猶自未惺鬆繡床近強來描翠粧鏡掩不肯勻紅錦
屏空對花無語獨怨春風 恁恁庾郎去後香銷玉
減是事踈慵縱蠻箋封了何處問鱗鴻臉中淚萬行

難畫眉上恨一點偏濃香無蹤夜來惟有幽夢相逢

月下笛

姜堯章

與客携壺梅花過了夜來風雨幽禽自語啄香心度
牆去春衣都是柔莢剪尚沾惹殘茸半縷悵玉鈿似
掃朱門深閉再見無路凝佇曾游處但繫馬垂楊
認郎鸚鵡揚州夢覺共彩雲飛過何許多情須倩梁
間燕問吟袖弓腰在否怎知道誤了人年少自恁暗
度

石州影

賀方回

薄雨收寒斜照弄晴春意空濶長亭柳蓓纔黃倚馬

何人先折烟橫水漫映帶幾點歸鴻平沙銷盡龍荒
雪猶記出關來恰如今時節 將發直樓芳酒紅淚
清歌便成輕別回首經年杳杳音塵都絕欲知方寸
共有幾許新愁芭蕉不展丁香結憔悴一天涯兩厭
厭風月

洞仙歌

一年春物惟梅柳間意味最深主鶯
花爛熳時則春已衰迺使人無復新

意作此因使探春者
歌之無復後時之悔

李元膺

雪雲散盡放曉晴池苑楊柳于人便青眼更風流多
處一點梅心相映遠約畧顰輕笑淺 一年春好處
不在濃芳小艷疎香最嬌軟到清明時候百紫千紅

花正亂已失春風一半蚤占取韶光共追游但莫管
春寒醉紅自煖

洞仙歌

宜春濤明叔云蜀王與花蓋夫人避暑摩訶池上賦洞仙歌共辭不

見於世東坡得老尼口誦兩句遂足之蜀帥謝元明因開摩訶池得古石

刻逆見
全篇

冰肌玉骨自清涼無汗貝闌琳宮恨初遠玉闌干倚
遍怯盡朝寒回首處何必留連穆滿芙蓉開過也
樓閣香融千片紅英泛波面洞房深深鎖莫放輕舟
瑤臺去甘與塵寰路斷更莫遣流紅到人間怕一似
當時誤他劉阮

又荷花

康伯可

若耶溪路別岸花無數欲斂嬌紅向人語與綠荷相
倚恨回首西風波淼淼三十六陂烟雨新粧明照
水汀渚生香不嫁東風被誰誤遣踟躕騷客意千里
絲綿烟浪遠何處凌波微步想南浦潮生畫橈歸正
月曉風清斷腸凝佇

又月

晁无咎

青烟幕處碧海飛金鏡永夜闌階卧桂影露涼時零
亂多少寒蟬神京遠惟有藍橋路近水晶簾不下
雲母屏閑冷浸佳人淡脂粉侍都将許多明付與金

尊投曉共流霞傾盞更携取胡床上南樓看玉做人
間素秋千頃

江神子慢

田不伐

玉臺掛秋月鉛素淺梅花傳香雪水姿潔金蓮襯小
小凌波羅襪雨初歇樓外孤鴻聲漸遠遠山外行人
音信絕此恨對語猶難那堪更寄書說教人紅銷
翠減覺衣寬金縷都為輕別太情切銷魂處畫角黃
昏時節聲嗚咽落盡庭花春去也銀蟾迥無情圓又
缺恨伊不似餘香惹鴛鴦結

又 睡香

蔡伯堅

紫雲點風葉岩樹小婆娑歲寒節占高格纖包暖釀
出梅魂蘭魄照濃碧茗椀添春花氣重雲窓晚濛濛
浮霽月小眠鼻觀先通廬山夢舊清絕 蕭閑平生
澹泊獨芳溫一念猶未衰歇種陳迹而今老但覓茶
烟禪榻寄閑寂風外天花無夢也鴛鴦債從渠千萬
劫夜寒回苑幽香與春愁客

慶清朝

王通叟

調雨為酥催冰做水化工分付春還何人便將輕暖
點破殘寒結伴踏青去好平頭靴子小雙鸞烟郊外
望中秀色如有無間晴則箇陰則箇便瑤得芳心

有許多般空教鏤花撥柳須要先看不道吳綾繡襪
香泥斜沁幾行斑東風巧畫收嫩綠吹上眉端

瑞鶴仙梅

辛稼軒

鴈霜寒透幙正護月雲輕嫩冰猶薄溪奩照梳掠想
含香弄粉艷粧難學玉肌瘦弱更重重龍綃襯著倚
東風一笑嫣然轉盼萬花羞落寂寞家山何在雪
後園林水邊接問瑤池舊約鱗鴻曩仗誰託粉蝶兒
只解尋花覓柳開遍南枝未覺但傷心冷落黃昏數
聲畫角

齊天樂

周美成

綠蕪彫盡臺城路，殊鄉又逢秋晚。莫雨生寒，鳴蛩初
織深閣。時聞戛剪，雲窗靜掩，歎重拂羅袖。頓疎花、草
尚有綠囊，露螢清夜照書卷。荆江留滯最久，故人
相望處，離愁何限。渭水西流，長安亂葉空憶詩情宛。
轉凭高眺遠，正玉液新篘，蟹螯初薦。醉倒山翁，但愁
斜照斂。

望海潮

黃岩叟

梅天雨歇，柳堤風定，江浮畫鷁縱橫。瀟女弄蕭，馮夷
伐鼓，雲間鳳咽。鼉鳴波面走長鯨。捲怒濤、來往攪碎
滄溟。兩岸遊人笑語，羅綺開筵，纓。靈均逝魄無憑。

但湘沅一水到底澄清，旅泰萬家絲桐五絲年年吊。
古深情錦幟片霞明，使操舟妙手翻動心旌，向晚魚
龍戲罷千里浪花平。

又

柳耆卿

東南形勝江吳都會，錢塘自古繁華。烟柳畫橋風簾
翠幕參差十萬人家，雲樹遠堤沙怒濤卷霜雪天塹
無涯市列珠璣戶盈羅綺競豪華。重湖疊嶂清嘉
有三秋桂子十里荷花，羌管弄晴菱歌泛夜，嬉嬉釣
叟蓮娃。千騎擁高牙，乘醉聽蕭鼓吟賞烟霞異日圖
將好景歸去鳳池誇。

又

秦少游

星分斗斗疆連淮海揚州萬井提封花發路香鶯啼
人起珠簾十里東風豪俊氣如虹曳照春金紫飛蓋
相從卷入垂楊畫橋南北翠烟中 追思故國繁雄
有迷樓掛斗月觀橫空紋錦製帆明珠濺雨寧論爵
馬魚龍往事逐滌鴻但亂雲流水紫帶離宮最好揮
豪萬字一飲拚千鍾

揚州慢

姜堯章

淮左名都竹西佳處解鞍少駐初程過春風十里盡
薺麥青青自胡馬窺江去後廢池喬木猶厭言兵漸

黃昏清角吹寒都在空城 杜郎俊賞筭而今重到
須驚縱豈尅詞工青樓句好難賦深情二十四橋仍
在波心蕩冷月無聲念橋邊紅藥年年知為誰生

金人捧露盤

送范東叔給
市帥維揚

高續古

下明光違宣曲上揚州玉帳煖十萬貔貅梅花照雪
月隨歌吹到江頭牙檣錦纜聽鴈聲夜宿瓜洲 南
山客東山妓蒲萄酒鸚鵡裘占何遜杜牧風流瓊花
紅藥做珠簾十里遊頭竹西歌吹理新曲人在春樓

又梅

高賓王

念瑤姬翻瑤佩下瑤池冷香夢吹上南枝羅浮夢香

憶曾清曉見仙姿
天寒翠袖可憐是倚竹依依
溪痕淺雲痕凍
月痕淡粉痕微
江樓怨一笛休吹芳音
待寄玉堂烟驛雨
淒迷新愁萬斛為春瘦
却怕春知

又水仙

前人

夢湘雲吟湘月
弔湘靈有誰見
羅襪塵生凌波步穩
背人羞整六銖輕
娉婷裊裊黃玉色
輕明香心靜
波心冷琴心怨
客心驚怕珮解却返瑤京
盃擎清露醉春蘭
友與梅兄蒼烟萬頃
斷腸是雪冷江清

水龍吟 梨花

周美成

素肌應怯餘寒艷
陽占立青蕪地
堦川照日靈闕遮

路殘紅斂避傳火樓臺妬花風雨長門深閉亞蘆櫂
半濕一枝在手偏勾引黃昏淚別有風前月底布
繁陰滿園歌吹未鉛退盡滿妃却酒昭君乍起雪浪
翻空粉裳縞夜不成春意恨玉容不見瓊英漫好與
何人比

又 三峯閣

韓无咎

雨餘壺嶼浮空望中秀色都仙市洞天未鎖人間春
好玉妃曾陸錦瑟繁弦厚蕭清響九霄歌吹問分香
舊事劉郎去後還誰共風前醉回首暝烟千里但
霏霏落紅如淚多情易老青鸞何在詩成難寄月轉

參橫半簾花影一溪寒水張行雲夢斷飛鴻路香有
三山翠

永遇樂

李易安

落日鎔金暮雲合璧人在何處染柳烟濃吹梅笛怨
春意知幾許元宵佳節融和天氣次第豈無風雨來
相召香車寶馬謝他酒朋詩侶 中州盛日閨門多
暇記得偏重三五鋪翠冠兒撚金雪柳簇帶爭濟楚
如今憔悴風鬟霜鬢怕見夜間出去不如向簾兒底
下聽人笑語

又

次韻節音樓

高賓王

淺暈修蛾，脆痕紅粉，猶記窺戶香斷。簾空塵生，砌冷誰喚青鸞舞。春風花信，秋宵月約，歷歷此心曾許。街芳恨、千年怨結，玉骨未應成土。水蘭艇子，莫愁何在，漫繫寒江烟樹。事逐雲沉，情隨珮冷，短夢分今古。一盃遙夜，孤光難曉，多少碎人腸處。空淒黯、西風細雨，盡吹淚去。

漢宮春

辛幼安

春已歸來，看美人頭上，裊裊春幡。無端風雨未肯收，盡餘寒、年時燕子。料今宵、夢到西園，渾未辨黃柑薦酒。更傳青韭堆盤。却笑東風從此，便薰梅染柳，更

沒些閑閑時又來鏡裏轉變朱顏清愁不斷問何人
會解連環生怕見花開花落朝來塞鴈先還

又秋風亭

前人

秦望山頭看亂雲急雨倒立江湖不知雲者為雨雨
者雲乎長安萬里被西風變滅須臾回首聽月明天
籟人間萬竅號呼誰問若耶溪上倩美人西去麋
鹿姑蘇至今故國人望一舸歸歟歲云莫矣問何不
鼓瑟吹竽君不見王亭謝館冷烟寒樹啼烏

玉蝴蝶

史邦卿

晚雨未推宮樹可憐閑葉猶抱涼蟬短景歸秋吟思

又接愁邊漏初長夢魂難禁人漸老風月俱寒想幽
歡土花庭甃蟲網闌干無端啼蛄攪夜恨隨團扇
苦近秋蓮一箇當樓謝娘豔淚立風前故園晚強留
詩酒新鴈遠不致寒暄隔蒼烟楚香羅袖誰伴婵娟

聲聲慢 九日送客

吳君持

檀染金碧婀娜蓬萊游雲不蘸芳洲露柳霜蓮十分
點綴殘秋新彎畫眉未穩似含羞低度牆頭愁送遠
駐西臺車馬共惜臨流知道池亭多宴掩庭花長
是驚落秦謳暎粉闌干猶聞凭袖香留輸他翠澗拍
甃瞰新粧時沒明眸簾半捲帶黃花人在小樓

高陽臺

王通叟

紅入桃腮青回柳眼韶華已破三分人不歸來空教
草怨王孫平明幾點催花雨夢半闌歌枕初間問東
君因甚將春老了閑人東郊十里香塵滿旋安排
玉勒整頓雕輪趁取芳時共尋島上紅雲朱衣引馬
黃金帶等到頭總是虛名莫閑愁一半悲秋一半傷
春

又除夜

韓子耕

學
蕭閑

頻聽銀燭重燃絳蠟年華袞袞驚心餞舊迎新能消
幾刻光陰老來可慣通宵飲待不眠還怕寒侵梅清

尊多謝梅花伴我微吟
鄰娃已試春粧了更蜂腰
簇翠燕股橫金勾引東風也知芳思難禁朱顏那有
年年好逞艷游羸取如今恣登臨殘雪棲臺遲日圍
林

鷓鴣天

晁子止

或云戴平之

笑擘黃柑酒半醒玉壺金斗夜生冰
開窓盡見千山雪雪未消時月正明
蘭爐短燭煤輕畫樓鐘鼓已三更
倚欄誰唱清真曲人與梅花一樣清

又

辛稼軒

撲面征塵去路遙香篝漸覺水沉銷
山無重數周遭

碧花不知名分外嬌 人歷歷馬蕭蕭旌旗又過小
紅橋愁邊剩有相思句 搖斷吟鞭碧玉梢

又元止

姜堯章

柏綠椒紅事事新 隔籬燈影賀年人 三茅鐘動西窓
曉 詩鬢無端又一春 慵對客 緩開門 梅花開伴老
來身 嬌兒學作人間字 壽壘神荼寫未真

又

張功甫

御路東風拂翠衣 賣燈人散燭籠稀 不知月底梅花
冷 只憶橋邊步鞦歸 閑夢落 舊游非 夜深誰在小
簾幃 呆愚兒下圍爐坐 明處行人立地時

又

高賓王

剪翠衫兒穩四停最憐一曲鳳簫吟同心羅帕輕藏
素合字香囊半影金春思悄畫窓深誰能拘束少
年心鶯來鶯碎風流胆踏動櫻桃葉底鈴

又

史邦卿

睡袖無端幾摺香有人丹臉可占霜半窓月印梅猶
瘦一律妍笙夜正長情灑灑酒汪汪小屏誰與畫
鴛鴦解衣恰恨敲金釧驚起春風傍枕囊

柳梢青

楊補之

傲雪凌霜却回寒力攬借春光步繞西湖興餘東閣

可奈詩腸 娟娟月轉回廊悄無處安排暗香一夜
相思幾枝疎影落在寒窓

又

月轉牆東幾枝寒影一點香風清不成眠醉憑詩興
起遶珍叢 平生只个情鍾漸老矣無愁可供最是
難忘倚樓人在橫笛聲中

又

玉骨冰肌為誰偏好特地相宜一段風流廣平休賦
和靖無詩 綺窓睡起春遲困無力菱花笑窺嗅蕊
吹香眉心貼處鬢畔簪時

又

駐馬橫塘水光搖曳山色微茫冷蕊寒枝疎疎沉影
細細吹香 臨風惱斷回腸漫立盡烟村夕陽指點
吟鞭安排詩句不入思量

又元日立春

吳雲壑

居父
塘

綵仗鞭春鷲毛飛管斗柄回寅拂面東風雖然料峭
畢竟寒輕 蕪花折柳心情怎捱得元宵放燈不是
今朝有些殘雪先去踏青

又西湖

趙子真汝愚

水月光中烟霞影裏湧出樓臺空外笙簫雲間笑語

人在蓬萊 天香暗逐風回正十里荷花盛開買个
扁舟山南遊遍山北歸來

夜行船梅

劉行簡

十頃疎梅開半就折芳條嫩香沾袖今度何郎尊前
重見花共那人俱瘦 測測輕寒吹散酒巖城近怕
聽更漏可惜溪橋月明風細長是在人歸後

又

盧申之

暖入新梢風又起秋千外霧縈絲細鴉侶寒輕燕泥
香重人在杏花窓裏 十二銀屏山四倚春醪困共
舊沉水却說當時柳啼花怨魂夢為君迢遞

又

史邦卿

不剪春衫愁意態
過燒燈有些寒在小雨空簾無人
深巷已早杏花先賣
白髮潘郎寬沈帶怕看山憶
他眉黛草色拖裙烟光惹鬢尚記故園挑菜

霜天曉角

蛾眉亭

韓无咎

倚天絕壁直下江千尺
天際兩蛾凝黛愁與恨幾時
極 暮潮風正急酒醒聞塞笛
試問謫仙何處青山
外遠烟碧

又

高賓王

春雲粉色春水和雲濕
試問西湖楊柳東風外幾絲

碧 望極連翠陌
蘭橈正急欲訪
莫愁何處旗亭
在畫橋側

臨江仙

陳蘭齋

憶昔午橋橋上飲
坐中多是豪英
長溝流月去無聲
杏花疎影裏
吹笛到天明
二十餘年如一夢
此身雖在堪驚
閑登小閣看新晴
古今多少事
漁唱起三更

浣溪沙

李易安

澹蕩春光寒食天
玉爐沉水裊殘烟
夢回山枕隱花
鈿 海燕歸來人
闌草江梅已過
柳生綿
黃昏疎雨

濕秋千

又

賀方回

鸚鵡無言理翠衿
杏花零落畫陰陰
畫橋流水半篙深
芳徑與誰期
闌草繡床終日罷
拈針小牋香管
寫春心

又

一色烟雲澹不銷
兩峯眉黛為誰嬌
莫寒猶在木蘭
橈
燕子似甘愁
寂寞海棠未肯醉
妖嬈小園嫩約
尚蕭條

又

張安國

鷓鴣樓高晚雪融
鴛鴦池暖暗潮通
鬱金黃染柳絲
風 油壁不來春
草綠雕闌倚
遍夕陽紅
江南山色
有無中

又

趙子發

疎蔭搖搖趁岸移
鷺鷥點點過帆飛
船分水打嫩沙
回 斷夢不知人去處
卷簾還有燕來時
日斜風紫
掉灣西

又

李次山

花園紫回曲徑通
小亭風捲繡簾重
秋千閑倚畫橋
東 雙蝶舞餘紅
面旋交鶯啼處
綠蔥瓏遠山眉黛

晚來濃

又

蔡伯堅

溪雨空濛洒面涼
莫春初見柳梢黃
綠陰空憶送春忙
芍藥弄香紅撲暖
荼蘼趁雪翠銷長
夢為蝴蝶亦還鄉

又

耿時舉

露壓薔薇金井欄
鞭轡聲斷碧絲乾
遼陽無信帶圓寬
花落池塘春夢靜
月生簾幕夜香寒
閑愁無力凭闌干

西江月

張安國

問訊湖邊春色重來又是三年東風吹我過湖船楊
柳絲絲拂面 世事如今已慣此心到處悠然寒光
亭下水連天驚起沙鷗一片

又

滿載一船秋色平鋪十里湖光波神留我看斜陽吹
起鱗鱗細浪 明日風回更好今朝露宿何妨水晶
宮裏奏霓裳準擬岳陽樓上

又

張武子

四壁空圖恨玉十香淺拾啼綃殷雲度雨并桐凋鴈
鴈無書又到 別後釵分燕股病餘鏡減鸞腰蠻江

荳蔻影連梢不道參橫易曉

又

盧申之

燕掠晴絲長長魚吹水葉粼粼禁街微雨灑香塵寒
食清明相近漫著宮羅試煖閑呼社酒酬春晚風
簾幕悄無人二十四番花訊

又

梁上喃喃燕語紙間戩戩蠶生滿城風雨近清明不
道有人新病春事一溪流水楊花十點浮萍好風
一霎為吹晴獨步小園清影

琴詞相思引

許忱甫

組繡盈箱錦滿機
倩誰縫作護花衣
恐花飛去無復
上芳枝
已恨遠山迷
望眼不須更盡遠
山眉正無
聊賴花外一鳩啼

蝶戀花

何惜之又出清真集

魚尾霞收明遠樹
翠色粘天一葉迎
風舉一笑相逢
蓬海路人間
風月如塵土
剪水雙眸雲鬢吐
醉倒
天歎笑語生香霧
此會未聞須記取
蟠桃幾度吹紅
雨

又賀方回改除冠柳詞

幾許傷春春復莫
楊柳清陰偏礙遊絲度
天際小山

桃葉步白蘋花滿浦裙屐 竟日微吟長短句蘆影
燈昏心寄胡琴語數點雨聲風約住朦朧淡月雲來
去

又

洪覺範

碧瓦籠晴烟霧繞水殿西偏小立聞啼鳥風度女牆
吹語笑南枝破臘應開了 道骨不凡江瘴曉春色
通靈醫得花重少曝暖釀寒空杳杳江城畫角催殘
照

又紅梅

真西山

兩岸月橋花半吐紅透肌香暗把遊人誤盡道武陵

溪上路不知迷入江南去
先自冰霜真態度何事
枝頭點點胭脂污莫是東君嫌淡素問花花又嬌無
語

又

劉武子

團扇題詩春又晚小夢驚殘碧草池塘滿一曲銀鈎
蘆半捲綠窓睡足鶯聲軟瘦損衣圓羅帶減前度
風流從覺心情懶誰品新腔拈翠管盡樓吹徹江南
怨

又逆

宋景文

雨過蒲萄新漲綠蒼玉盤傾碎墮珠千斛
姬監擁前

紅蕖簇溫泉初試真妃浴
驛使南來丹荔熟故剪
經綃一色額時服嬌汗易晞凝醉玉清涼不用香綿
撲

感皇恩

晁叔用

寒食不多時牡丹初賣小院重簾燕飛礙昨宵風雨
只有一分春在今朝猶自得陰晴快
熟睡起來宿
醒微帶不惜羅襟搵眉黛日高梳洗看著花陰移改
笑摘雙杏子連枝戴

青玉案

史邦卿

蕙花老盡離騷句漸綠染遍江頭樹
日午酒消聽驟

雨青偷錢小碧苔錢古難買東君住
遺鞭不礙官
河路被芳草將愁去多定紅樓簾影莫
蘭燈初上夜
香初炷猶自聽鸚鵡

陽春白雪卷第二終